

بِسْمِ اللَّهِ الرَّحْمَنِ الرَّحِيمِ

إِنَّ الدِّينَ عِنْدَ اللَّهِ الْإِسْلَامُ



إِلَهَ إِلَّا اللَّهُ مُحَمَّدٌ رَّسُولُ اللَّهِ

## **KHUTBA JUMMAH**

**HADHRAT MUHYI-UD-DIN AL-KHALIFATULLAH**

**MUNIR AHMAD AZIM**

19 Avril 2019

12 Shabaan 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

### **19 AVRIL 2003-2019**

*Alhamdulillah, Summa Alhamdulillah*, aujourd'hui (19 Avril) faire 16 ans ki ene l'évènement historique fine passer dans le cadre de la Manifestation Divine de sa l'époque là kot ti ena le premier *Bai'at* dans la main d'Allah, et sa jour là marque aussi la mort du 4<sup>ème</sup> Khalifat-ul-Masih du Mouvement Ahmadiyya. Avant ki mo lever pou faire le Khutba, mo pé senti ki mo pou recevoir plusieurs messages importants de la part d'Allah ki mo pou bizer partager avec zot, mo bane très chers disciples et tous bane les autres dimoune aussi. Peut-être Allah pou révèle sa au cours du Khutba Jumma ou bien plus tard. Mais, quoi qu'il en soit, *Insha-Allah* mo pou partager sa bane révélations là avec zot.

### **LE MOIS DE SHABAAN**

Couma zot conner, nous fine arrive dans le mois de Shabaan et aujourd'hui faire deuxième Khutba Jumma ki mo pé fer dans sa mois là, et mo fine choisir pou faire mo Khutba azordi lor sa mois là même et so l'importance.

Couma zot conné, Shabaan c'est le huitième mois du calendrier Islamique. Et après Shabaan, nous gagne le mois béni de Ramadhan. Hazrat Muhammad (saws) fine donne le mois de Shabaan tout so l'importance.

D'après Hazrat Aisha (ra), Nabi Kareem Hazrat Muhammad (saws) ti pé garde Roza au point ki nous ti pé dire : « *Zamais li pas pou casse so Roza* » ; et li pas ti pé garde Roza à tel point ki nous ti pé dire : « *Li fine arrête garde Roza.* » Mo pas fine trouve le Messenger d'Allah (saws) garde Roza pendant ene mois complet excepter Ramadhan et mo pas fine trouve li garde pli bocou Roza durant ene mois autant ki Shabaan. (Bukhari et Muslim).

Dans ene l'autre Hadith, d'après Usama Ibn Zayd (ra), li fine rapporté ki li fine demande Nabi Kareem (saws): « *Ô Messenger d'Allah, mo pas fine trouve toi garde Roza dans ene mois autant ki to garder dans celui de Shabaan !* » Alors le Prophète (saws) fine dire: « *Sa c'est ene mois ki bocou dimounes négligents à so propos ; li trouve entre Rajab et Ramadan, c'est ene mois durant lequel bane actions monte vers Allah, et mo content ki mo bane actions monter pendant ki mo dans l'état Roza.* » (Nasai).

De sa bane Hadiths là, nous apprane ki le Saint Prophète (saws) ti pé tire bénéfice de sa mois là au maximum. À travers li, à travers so *Sunnah*, nous alle conner ki nous bane actions monte vers Allah, et de ce fait, nous bizin faire le maximum pour ki Allah accepter nous bane bonnes actions et pardonne nous, nous bane fautes et péchés. Et Hazrat Muhammad (saws) ti ena tellement l'amour pour Allah ki li ti pé sacrifier li bocou pour Allah pour ki Allah content avec li. Alors mазiner nous, ki bane dimounes bien bien faibles, si le *Rahmatul Aalameen* ena ene grand crainte et l'amour pour Allah, et li content pour ki so bane actions monte vers Allah pendant ki li dans ene l'état pure de jeûne et de soumission, alors, mазiner, nous commié précaution nous bizin prend pou contigner sa *Sunnah* là dans façon ki bizin suivre et non pas ajoute bane innovations à sa, kot alors, c'est pas bon actions ki nous fer, nous alle fer *Gunnah* (péché), nous alle ajoute bane innovations à la religion pure d'Allah.

C'est vrai ki le mois de Shabaan li ene très grand mois, et le *Sunnah* de Nabi Kareem (saws) même montrer nous tout sa !

### **SHABE-BARAAT**

Couma zot pou trouver ki mo ti citer dans mo Khutba Jummah le 05 Juin 2015, Hazrat Muhammad (saws) d'après Baihaqi fine cause à propos l'importance de la nuit de mi-Shabaan (15<sup>ème</sup> Shabaan). Li ti pé faire beaucoup *Ibaadat*, et garde

Roza et li fine dire ki pendant sa la nuit là, Allah pardonne à bane ki demande Li pardon et Li envoie miséricorde lor bane ki rode So miséricorde et Li donne ene délai à bane ki ena bane maladies (jalousies) dans zot lékaire (afin ki zot réformer).

C'est vrai comme ene musulman nous bizin respecter sa *Sunnah* là, mais selman dans la limite ki Hazrat Muhammad (saws) ti pé pratique li ! Nous pas alle dépasse les bornes kot nous prend bane pratiques non-Islamiques et nous ajoute sa à l'islam. Sa li bien condamnable dans l'islam.

*Alhamdulillah*, mo trouver ki l'ensemble de bane musulmans, surtout à Maurice, fine commence réaliser ki faudé pas ajoute bane innovations à la religion de l'islam et à *Sunnah* de nous bien-aimé prophète Hazrat Muhammad (saws). Sa c'est en réalité ene très grand pas ki zot pé faire pour seulement suivre pratique de Hazrat Muhammad (saws), kot zot garde Roza et fer bocou *Ibaadat*, bocou Namaz *Nafils* et cherche proximité avec Allah. Et bocou de bane musulmans fine arrête aussi sa pratique anti-islamique pou cuit *Halwa-Roti* et alle mette sa lor tombe de zot bane familles ki fine morts.

Li pas defanne pou alle cimitière et fer duahs pour bane morts. Au contraire, li recommander, pas zis pendant 15<sup>ème</sup> Shabaan et aussi le reste de l'année ki ene dimoune alle souvent cimitière et fer *duahs*, coumsa li va rappelle ki ene jour na pas ene jour, li aussi li pou mort, et sa pensée là pou garde li lor bon chemin, pou aide li pou faire bane bons travaux pour ki li récolter le plaisir d'Allah. *Insha-Allah*.

Pour nous, bane musulmans, Allah et So Rassool Hazrat Muhammad (saws) fine donne nous ene la mer de connaissance à travers le Quran Shareef et bane Hadiths et *Sunnah* de nous bien-aimé prophète (saws). Bane ki suivre le Quran et *Sunnah* couma bizin zamais pas pou dévier. Et kan arrive bane l'époques kot dimoune alle corrompe bane l'enseignements de l'islam et le *Sunnah* de nous bien-aimé prophète Muhammad (saws), alors, pareil couma dans nous l'époque actuelle Allah envoie ene So représentant avec le *Ruh-il-Quddous* pou montrer zot le droit chemin.

Le devoir d'ene Khalifatullah c'est pour prévenir zot, pou donne zot bane conseils et alor c'est à zot maintenant pou guetter si pas zot pou prend sa bane conseil là en considération et réforme zot la vie couma Allah oulé ki zot réformer.

La nuit de 15<sup>ème</sup> Shabaan li ene la nuit remplie de bénédictions, mais pareil couma dans mois Ramadhan et surtout les dix derniers nites de Ramadhan, bane musulmans bizin prend conscience ki Allah conne tout et trouve tout et Li conne lékaire, l'intention de sak dimoune, avec ki l'intention li pé fer tel et tel action. Si li fer bocoup *Ibaadat* pendant ene jour spécifique en pensant ki tous so bane péchés fine pardonner et le lendemain li rétombe dans péché, alors sa bane kalité *Ibaadat* là li sans valeur dans lizié d'Allah.

Le mois de Shabaan li ene l'entraînement pour bane musulmans pour commence prépare zot physiquement, moralement et spirituellement pour garde Roza du Ramadhan. Shabaan prépare pour Ramadhan et c'est à bane croyants pou conner kot zot limite été ; faudé pas zot alle tombe dans *Shirk*. Reste dans la limite de saki l'Islam fine prescrire. Fer ou bane *Ibaadat* avec bocou l'amour et respect. Bane actes *Nafils* dans Shabaan li pas obligatoire, mais pli ene dimoune li consacrer li dans *Ibaadat*, dans Zikr, pas zis dans Shabaan et Ramadhan, mais tout au long de l'année, alors sa dimoune là li ene vrai croyant ki conne l'importance de so relation avec Allah et So Nabi (saws) et l'Islam, et ene tel vrai croyant li fer tout so possible pou pratique et prêche bane l'enseignements de l'Islam dans so l'authenticité, sans ajoute ou retire kitchose de l'Islam.

D'ailleurs, nous bizin mazer ki nous comme bane croyants ki dire ki nous fine croire dans Allah et So Rassool (saws), nous bizin aquitte nous de tous bane devoirs ki Allah fine mette lor nous z'épaule. Pareil couma mo ti explique zot pendant le mois de Rajab, Hazrat Muhammad (saws) pendant so Miraj ti gagne l'instruction de la part d'Allah pour dire so *Ummah* pour faire Namaz 50 fois par jour, mais seulement avec le conseil de Hazrat Musa (as), dans l'état de vision, Hazrat Muhammad (saws) fine alle plaider avec Allah kot ensuite bane *Salaat* obligatoire fine réduire à seulement cinq, mais kot ensuite Allah fine ena *Rehem* (pitié) lor nous, et fine dire ki Li pou compte nous cinq fois Namaz comme si nous pé fer li 50 fois même. Alors, nous bizin conne respecter et pratique tous bane pratiques *Faraz* (obligatoire) avant. Ene musulman bizin établir li fermement lors saki obligatoire avant tout, et ensuite, kan li fine fini établi li fermement lor là, li alle fer bane actes *Nafils* (volontaire) pou renforcer so lien avec Allah (twa), et ene acte *Nafil* ki hautement recommander par Allah Li-même et aussi Nabi Kareem (saws) c'est le **TAHAJJUD**, kot Allah dire dans ene Hadith Qudsi :

D'après Abu Hurayrah (ra), le Prophète (saws) fine dire : « **Nous Seigneur (swt) dessane lors la terre chaque nuit dépi le ciel pendant dernier tiers de la nuit, et Li (Allah) dire: « Ki sanlà pé prier Moi aster-là afin qui Mo reponne so l'appel? Ki sanla pé demande quelque chose afin ki Mo accorde li (ça kitchose là)? Ki sanla pé demande miséricorde afin ki Mo pardonne li? » (Bukhari, Muslim, Malik, Tirmidhi et Abu Dawud).**

Dans ene l'autre version par Muslim, ça Hadith là terminer avec ça bane mots là: « Et Li (Allah) continuer demander coumsa ziska ki (la lumière) de l'aube appaite kot Allah dire, ki sanla encore pé prier moi afin ki Mo réponde so l'appel ? »

En plus de sa, Allah (twa) dire dans ene l'autre Hadith-e-Qudsi ki rapporté par Anas (ra), ki le Messenger d'Allah (saws) fine dire: « Allah le Tout-Puissant fine dire: 'Ô garçon Adam, aussi longtemps ki to pou appel Moi et ki to pou prier Moi, Mo pou pardonne toi pour séki to fine faire, et Mo pas pou condamne toi pour ça. Ô garçon Adam, même si to bane péchés ti capave touche bane nuages dans lé ciel, et qui to demande Moi pardon, Mo pou pardonne toi. Ô garçon Adam, même si to vine vers Moi avec bane péchés aussi grand ki la terre et ki to présente toi alors vers Moi, sans ki to attribuer aucaine associer avec Moi, Mo pou accorde toi ene pardon presque aussi grand'. » (Tirmidhi, Ahmad ibn Hanbal, et Ibn Majah).

Alors, mo conseille à tous mo bane disciples et le reste de l'Ummah de Hazrat Muhammad (saws) pou reste engage zot dans bane *Ibaadat* et Zikr tous les jours, parski sak jour de zot la vie li ene cado ki Allah fine donne zot, à travers quoi ou capave vine pli près avec Li. Pas attane ene jour spécifique pour ki Allah pardonne ou, ou bane péchés ou erreur. Profite bane la nuits bénies ki Allah fine donne ou, **OUI**, mais pas compte **SEULEMENT** lor sa bane la nuits là en pensant ki ou dans correcte astaire, ki Allah fini pardonne ou, et ou ré-alle tombe dans mondaine et péché.

Ou bizin conne maintenir ene équilibre entre saki mondaine et spirituelle. Ou bizin conne garde ene balance, en recherchant l'aide d'Allah pour ki ou capave réussi dans mission ki Allah fine donne ou, sakaine d'entre nous, kan Li fine envoie nous lor sa la terre là. Nous pas aide Shaytane dans so travaille, mais nous fer bane tel actions ki pou faire Allah content et satisfait avec nous. *Insha-Allah, Ameen.*